

**Yang di-Pertuan Agong Berangkat Ke Majlis Santapan Diraja  
Bernama  
11 April , 2012**

KUALA LUMPUR, 11 April (Bernama) -- Majlis Santapan Diraja sempena pertabalan Tuanku Abdul Halim Mu'adzam Shah sebagai Yang di-Pertuan Agong ke-14 berlangsung dalam suasana berwarna-warni.

Tuanku Abdul Halim dan Raja Permaisuri Agong Tuanku Hajah Haminah berkenan berangkat masuk ke Dewan Santapan Istana Negara kira-kira pukul 9 malam diikuti Raja-raja Melayu.

Majlis santapan itu turut dihadiri wakil Sultan Brunei, Datuk Seri Pengiran Muda Mahkota Pengiran Muda Haji Al-Muhtadee Billah dan isteri Pengiran Anak Isteri Sarah.

Hadir sama Perdana Menteri Datuk Seri Najib Tun Razak, Timbalan Perdana Menteri Tan Sri Muhyiddin Yassin, menteri-menteri Kabinet, duta-duta asing dan pegawai kanan kerajaan.

Pada majlis berkenaan, Seri Paduka berdua dan hadirin disajikan dengan persembahan tarian kebudayaan dan nyanyian yang diiringi Orkestra Bertali.

Turut memeriahkan majlis adalah penyanyi wanita tersohor negara Datuk Siti Nurhaliza dan Jaclyn Victor.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=658454>